

Ò Grétce

Z cyklu: Sëchta z rena jak malëna

Grétka bëła ale fiksa
Jistnô pùpa! Bez gòdaniô
Piäknô pani, chòc jesz dzéwczã
Räkã dôwa do kùszkaniô...

Swa ùsmiéchë szerok, dalek
Chto gò dostôł - ten szczestlëwi
Nodzi bë so ùlôtalë,
Cobë nalezc sã tej kòl ni...

Wierã nijak sã nie zmilã
Chwôląc snôżosc ji bezgreńcną:
Wezdrzała jak Wenus z Milo
Leno nasza, nié ta greckô...

Wszëtkò kòl ni ba na môlu
Krôwcë szëlë na ji mòdło
Miałë përnã ò to żôlu
Jiné białczy, chòc nié wiedno..

Nie darwała nosëc broszë
Óringów, malowac lëpów
Nicht nie widzôł Grétczy w złoscë
Nicht cëdni òd ni nie wòniôł...

Czedë szła - sã zdôwa plënac
Wiaterk z włosã miôł zabawã
Czej co rzekła - miäklë zwònóm
Serca. Czësti cud dlô swiata...

Dobrô ba jak griz na gãsto
Bë nie ùkrziwdzëła zwierza
Jôdł bë z nią chòc sërë miäso
Czejbë le sã letkò przëzdrza...

Wôłtôrk stôwiôł jeden z drëdzim
Jinszi plakat miôł w garażu
Mielë wespółózczi ùbòdzi
Dëcht kòzdëchny, ò czym marził...

Rzeknieta, cos je za słodkò
Ni ma w swiece taczë Grétczy
Na to Wama pòwiém prosto:
To, co w głowie - téz sã liczi!

Wiém - filistrã jem a kùńdą
Czasã mądrzi sěpnã z miecha
Czedě žimczi czasě przińdą,
Wôrt je pòdsztěcowac dëcha 👍

Tómk Fópka, Chwaszczëno, 4 gòdnika 2025 rokù, gòdz. 8.22 d.p.